

SAKSDOKUMENT

Sakshandsamar: Per Heltne

Arkivsak nr.: 2016/1706

Arkivkode: D10

Utvalsaksnr	Utval	Møtedato
	Formannskapet Kommunestyret	

VTI FOTBALL - UTSKIFTING AV KUNSTGRASET PÅ B-BANA VED VOLDA STADION - FØREHANDSGODKJENNING - LÅNEGARANTI - KOMMUNALT TILSKOT

Administrasjonen si tilråding:

- Med atterhald om Fylkesmannen si godkjenning, gir Volda kommune kommunal garanti til VTI Fotball for lån pålydande kr. 2.146. 000,- på dei vilkår som går fram av lånetilbod vedlagt garantisøknaden.*
- Garantien vert gjeven på slike vilkår:*
 - Garantien er ein simpel kausjon.*
 - Garantien gjeld for inntil 10 år*
 - Garantien skal avkortast i takt med utbetaling av sponsormidlar, spelemidlar og refusjon av mva. til anlegget, slik skissert i nedbetalingsplan som fylgjer saka.*
- Pkt. 1 i kommunestyret sitt vedtak i sak 146/16, frå møte den 24.11.2016 vert gjort om inkje .*

Vedleggsliste:

Kommunestyre sak PS 146/16 den 24.11.2016

Uprenta saksvedlegg:

Tidlegare dokument i saka

Saksopplysningar/fakta:

VTI-Fotball søkte kommunen om kommunal garanti for låneopptak i Sparebanken Møre, i samband med rehabilitering/utskifting av kunstgrasdekket på B-bana ved Volda stadion.

Saka vart handsama som sak i kommunestyret den 24.11.2016, som sak 146/16. Det vart her gitt kommunal garanti med atterhald om fylkesmannen si godkjenning. I vedtaksformuleringa er det sett ei ramme for garantien for inntil 15 år.

Saka er oversendt Fylkesmannen for vidare handsaming. Sakshandsamar her har no vendt seg til kommunen og har merknader til kommunen sitt vedtak.

Med grunnlag i tiltaket sin funksjon og antatt brukstid, behov for rehabilitering, bør ikkje garantitida vere lenger enn 10 år.

Det vert reist spørsmål om kommunen kan ta dette opp til ny vurdering.

Bakgrunn for den garanti-tid som kommunestyret la til grunn var oppsett i søknad, der ein la til grunn ein nedbetalingsplan for restlån over 10 år frå 2020.

Etter samråd med VTI-Fotball er ein samde om at ei endring der garantien vert avgrensa til maks 10 år.

Ein reknar med at anlegget vert teke i bruk i løpet av 2017 og at garantitida då vert sett til ut 2027.

I høve saka viser ein elles til kopi av sak 146/16 som ligg som vedlegg.

Det er berre pkt 1, og det som gjeld lengda for kommunal garanti som blir endra gjennom nytt vedtak.

Ein finn ikkje ut frå Fylkesmannen sitt innspel behov for å gå inn på dei andre momenta teke opp i sak 146/16 og andre deler av det vedtaket, jf. pkt 2, 3 og 4.

.....

Rune Sjurgard
rådmann

Utskrift av endeleg vedtak:
FYLKESMANNEN I MØRE OG ROMSDAL

Postboks 2520
6404 MOLDE

Kopi til:
VTI-Allianse
VTI-Fotball
Idrettsrådet
Økonomisjef Henrik Skovly
Økonomikons. Marija Ostojic
Rekneskapssjef Gunnar L. Lillebø
Utvikling



VOLDA KOMMUNE

Servicekontoret

FYLKESMANNEN I MØRE OG ROMSDAL

Postboks 2520
6404 MOLDE

Arkivsak nr.	Løpenr.	Arkivkode	Avd/Sakshandsamar	Dato
2016/1706	14221/2016	D10	SVK/ SONHAV	12.12.2016

MELDING OM POLITISK VEDTAK - VTI FOTBALL - UTSKIFTING AV KUNSTGRASET PÅ B-BANA VED VOLDA STADION - SØKNAD OM KOMMUNAL LÅNEGARANTI OG KOMMUNALT TILSKOT

Vi melder med dette frå at Kommunestyret den 24.11.2016, hadde føre ovannemnde som sak PS 146/16, der det vart gjort slikt vedtak:

- 1. Med atterhald om Fylkesmannen si godkjenning, gir Volda kommune kommunal garanti til VTI Fotball for lån pålydande kr. 2.146. 000,- på dei vilkår som går fram av lånetilbod vedlagt garantisøknaden.**
Garantien vert gjeven på slike vilkår:
 - a. Garantien er ein simpel kausjon.**
 - b. Garantien skal avkortast i takt med utbetaling av sponsormidlar, spelemidlar og refusjon av mva. til anlegget og skissert nedbetalingsplan for lånet, maks lånetid 15 r.**
- 2. Kommunestyret finn ikkje å kunne gje tilskot til prosjektet slik søkt om,(kr. 200.000), då det ikkje er avsett midlar til slike formål i budsjett 2016 eller budsjettforslag for 2017.**
- 3. Kommunestyret ber om informasjon om tiltak mot eventuell forureiningsfare med granulat m.o.t. deponering av gammalt kunstgrasdekke og legging av nytt kunstgrasdekke.**
- 4. Kommunestyret ber om ein utgreiing for å hindre spreiiing av bildekkgranulat i naturen, forsvarleg avhending av utslitne baner og reduksjon i plastforbruk for alle kunstgrasbanene i kommunen.**

Sakutgreiinga med vedlegg følgjer vedlagt.

Volda kommune, servicekontoret

Sonja Håvik
konsulent

Dokumentet er elektronisk godkjent og har ingen signatur.

Kopi til:

VOLDA TURN OG IDROTTSKLAG FOTBALL

VOLDA TURN-OG IDROTTSKLAG

ALLIANSEIDRETTSKLAG

Olav Fure, Volda idrettsråd

Per Heltne - sakshandsamar

Marija Ostojic - rekneskapssjef

Henrik Skovly - økonomisjef

Andreea Beleuta - økonomikonsulent

Jørgen Vestgarden – utviklingsjef

Postboks 135 6101 VOLDA

POSTBOKS 89 6100 VOLDA

Kleppevegen 25 6102 Volda

SAKSDOKUMENT

Sakshandsamar: Per Heltne

Arkivsak nr.: 2016/1706

Arkivkode: D10

Utvalsaksnr	Utval	Møtedato
211/16	Formannskapet	15.11.2016
146/16	Kommunestyret	24.11.2016

VTI FOTBALL - UTSKIFTING AV KUNSTGRASET PÅ B-BANA VED VOLDA STADION - SØKNAD OM KOMMUNAL LÅNEGARANTI OG KOMMUNALT TILSKOT

Handsaming:

Sølvi Dimmen, SP, møtte og vara Dag Sveinung Aarflot gjekk.

Helge Standal, MDG Volda, kom med slikt framlegg:

1. Saka vert utsett. Ei grundig vurdering av helse- og miljørisiko og tiltak for å redusere spreining av granulat må leggast fram for kommunestyret før endeleg vedtak.

2. Kommunestyret ber om ein plan for å hindre spreining av bildekkgranulat i naturen, forsvarleg avhending av utslitne baner og reduksjon i plastforbruk for alle kunstgrasbanene i kommunen.

Røysting utsetjingsframlegget:

Utsetjingsframlegget fekk 8 røyster og fall. 19 røysta imot.

Ordføraren kom med slikt verbalfamlegg, som ikkje vart røysta over:

Utsetjingsframlegget vert sendt til formannskapet, med sikte på å sende dette vidare til sentrale myndigheiter.

Hild Våge, A, fremja Helge Standal, MDG, sitt framlegg punkt 2, som nytt punkt 4, med følgjande endring; plan vert endra til utgreiing.

Kommunestyret ber om ein utgreiing for å hindre spreining av bildekkgranulat i naturen, forsvarleg avhending av utslitne baner og reduksjon i plastforbruk for alle kunstgrasbanene i kommunen.

Røysting (27 røysteføre):

Punkt 1-3 i tilrådinga frå formannskapet vart samrøystes vedteken.

Framlegget frå Hild Våge, nytt punkt 4 vart samrøystes vedteke.

Vedtak i kommunestyret - 24.11.2016:

1. *Med atterhald om Fylkesmannen si godkjenning, gir Volda kommune kommunal garanti til VTI Fotball for lån pålydande kr. 2.146. 000,- på dei vilkår som går fram av lånetilbod vedlagt garantisøknaden.
Garantien vert gjeven på slike vilkår:
b. *Garantien er ein simpel kausjon.*
b. *Garantien skal avkortast i takt med utbetaling av sponsormidlar, spelemidlar og refusjon av mva. til anlegget og skissert nedbetalingsplan for lånet, maks lånetid 16 r.**
2. *Kommunestyret finn ikkje å kunne gje tilskot til prosjektet slik søkt om,(kr. 200.000), då det ikkje er avsett midlar til slike formål i budsjett 2016 eller budsjettforslag for 2017.*
3. *Kommunestyret ber om informasjon om tiltak mot eventuell forureiningsfare med granulat m.o.t. deponering av gammalt kunstgrasdekke og legging av nytt kunstgrasdekke.*
4. *Kommunestyret ber om ein utgreiing for å hindre spreiiing av bildekkgranulat i naturen, forsvarleg avhending av utslitne baner og reduksjon i plastforbruk for alle kunstgrasbanene i kommunen.*

Handsaming:

Grunngjeve spørsmål frå Gunnar Strøm, med svar frå ordføraren, datert 26.05.2016, vart delt ut i møtet.

Gunnar Strøm SV, kom med slikt framlegg:

Saka vert utsett. Formannskapet bed administrasjonen om å legge fram resultata av samtalan mellom VTI fotballgruppa og teknisk sektor i kommunen om miljørisikoane ved granulat/gummikuler slik ordføraren svarte på eit grunngjeve spørsmål i KST 26.05.2016.

Røysting utsetjingsframlegget:

Utsetjingsframlegget fekk fire røyster (Gunnar Strøm, Odd Harald Sundal, Fride Sortehaug og Jørgen Amdam) og fall, fem røysta imot.

Ordføraren kom med slikt tillegg til tilrådinga frå administrasjonen:

Kommunestyret ber om informasjon om tiltak mot eventuell forureiningsfare med granulat m.o.t. deponering av gammalt kunstgrasdekke og legging av nytt kunstgrasdekke.

Røysting (ni røysteføre):

Tilrådinga frå administrasjonen vart samrøystes vedteken.

Tilleggsframlegget frå ordføraren vart samrøystes vedteke.

Tilråding i formannskapet - 15.11.2016 til kommunestyret:

1. Med atterhald om Fylkesmannen si godkjenning, gir Volda kommune kommunal garanti til VTI Fotball for lån pålydande kr. 2.146. 000,- på dei vilkår som går fram av lånetilbod vedlagt garantisøknaden.
Garantien vert gjeven på slike vilkår:
 - c. Garantien er ein simpel kausjon.
 - b. Garantien skal avkortast i takt med utbetaling av sponsormidlar, spelemidlar og refusjon av mva. til anlegget og skissert nedbetalingsplan for lånet, maks lånetid 17 r.
2. Kommunestyret finn ikkje å kunne gje tilskot til prosjektet slik søkt om, (kr. 200.000), då det ikkje er avsett midlar til slike formål i budsjett 2016 eller budsjettforslag for 2017.
3. Kommunestyret ber om informasjon om tiltak mot eventuell forureiningsfare med granulat m.o.t. deponering av gammalt kunstgrasdekke og legging av nytt kunstgrasdekke.

Administrasjonen si tilråding:

1. Med atterhald om Fylkesmannen si godkjenning, gir Volda kommune kommunal garanti til VTI Fotball for lån pålydande kr. 2.146. 000,- på dei vilkår som går fram av lånetilbod vedlagt garantisøknaden.
Garantien vert gjeven på slike vilkår:
 - d. Garantien er ein simpel kausjon.
 - b. Garantien skal avkortast i takt med utbetaling av sponsormidlar, spelemidlar og refusjon av mva. til anlegget og skissert nedbetalingsplan for lånet, maks lånetid 15 år.
2. Kommunestyret finn ikkje å kunne gje tilskot til prosjektet slik søkt om, (kr. 200.000), då det ikkje er avsett midlar til slike formål i budsjett 2016 eller budsjettforslag for 2017.

Vedleggsliste:

VTI-Fotball - Søknad om lånegaranti
Førehandsgodkjenning av plan
Plandokument - førehandsgodkjenning

Uprenta saksvedlegg:

Kommunedelplan for Fysisk aktivitet og anlegg for idrett, friluftsliv og nærmiljøanlegg.
Kommuneplanen sin samfunnsdel.

Saksopplysningar:

VTI-Fotball har søkt kommunen om kommunal garanti for låneopptak i Sparebanken Møre, i samband med rehabilitering/utskifting av kunstgrasdekket på B-bana ved Volda stadion. Dei søker også om eit eingongstilskot til prosjektet på kr. 200.000 kr.

B-bana er den eldste kunstgrasbana på området, med dekke frå 2002.
Dekket er totalt utslite og bana vert difor i dag lite brukt.

Rehabiliteringa er naudsynt for å sikre grunnlaget for den store aktiviteten i området.
I søknaden heiter det elles m.a.:

Volda TI Fotball søker med dette Volda kommune om lånegaranti på kr 2.2 mill. samt 200,000 kr i eingongs støtte til utskifting av kunstgraset på B-bana ved Volda Stadion. Dette dekkjer netto lånebehov, etter at gåver og dugnad er trekt frå totalkostnad.

Volda TI Fotball har fått tilsegn på lån på 2.35 mill frå Sparebanken Møre til dette føremålet, under føresetnad av at det vert gjeve kommunal garanti for lånet. Kommunal garanti er såleis også ein føresetnad for at prosjektet skal kunne verte godkjent som spelemiddelprosjekt.

Volda Stadion er eit særskilt viktig område og del av Volda Kommune sin «Kommunedelplan for fysisk aktivitet og anlegg for idrett, friluftsliv og nærmiljø, 2014 – 2018» (KDP).

Ein har nyleg styrka satsinga på stadionområdet gjennom utviding av klubbhuset, og dette vil støtta opp om vidare vekst og tilrettelegging for idrett og fysisk fostring i regi av Volda TI Fotball på stadion. Med den nye Mørehallen har fotballen vorte eit heilårstilbod, og både denne og banene utandørs vert nytta til både organisert aktivitet og fri fysisk fostring.

Med det høge aktivitetsnivået er og gode fasilitetar i form av banar å spele på heilt avgjerande, og B-bana på Volda stadion er i dag i så utslite at Norges Fotballforbund i sin tilstandsrapport tilrår ei umiddelbar utskifting av kunstgraset på denne bana.

Volda TI Fotball har i 2016 fått refundert spelemidlar for Mørehallen med 1.2 mill.kr som no gjer klubben i stand til å kunne foreta ei slik investering. Med gode utandørs baner som er tilgjengelige heile døgnet for organisert og uorganisert idrett ynskjer vi å fortsetje å skape dei beste føresetnadane for rekruttering til og deltaking i idrett og fysisk aktivitet blant born og unge, og med gode fasilitetar og klubbens trygge rammer ynskjer vi å senke terskelen for å ta del i dette ungdomsarbeidet (KDP, kapittel 2).

Vi meiner utskiftinga av kunstgraset på B-bana vil passe godt inn i dei kommunale målsettingane (KDP, kapittel 2.2) og strategien som er vedtatt i KDP (kapittel 2.2.2), og at denne satsinga såleis har ein naturleg plass i kommunal plan for idrett og friluftsliv.

Vi ber om at søknaden vert behandla snarast råd slik at vi kan kome i gang med utskiftinga av kunstgraset på B-bana så snart som muleg, då det er eit stort behov for dette.

Kostnadsplan

<i>Fjerning eksisterande dekke</i>	<i>kr. 355.000.-</i>
<i>Nytt kunstgrasdekke</i>	<i>kr. 1.816.115.-</i>
<i>Grunnarbeid opprusting og utviding</i>	<i>kr. 116.780.-</i>
<i>Byggeleiiing</i>	<i>kr. 60.000.-</i>
<i>Mva</i>	<i>kr. 531.974.-</i>
<i>Samla kostnad</i>	<i>kr. 2.879.869.-</i>

Finansieringsplan

<i>Gåver</i>	<i>kr. 450.000.-</i>
<i>Dugnadsarbeid</i>	<i>kr. 210.000.-</i>
<i>Spelemidlar</i>	<i>kr. 936.000.-</i>
<i>Lån /eigenkapital</i>	<i>kr. 741.470.-</i>
<i>Refusjon mva</i>	<i>kr. 469.368.-</i>
<i>Samla finansiering</i>	<i>kr. 2.879.869.-</i>

Med den finansieringsplan som no er sett opp for prosjektet vert lånebehovet noko redusert i høve til finansieringstilsegn vi har fått frå Sparebanken Møre, og det vert sannsynleg ikkje behov for å låne meir enn ca 2,2 mill kr på kort sikt, medan det langsiktige lånet som skal betenast når MVA refusjon og spelemidlar er motteke vert omlag kr. 618.000 .

Ein ventar at (100 prosent) MVA refusjon vert utbetalt innan 31.12.2017, og spelemidlar reknar ein med å kunne få utbetalt tidlegast i frå 2018. Men vi tek høgde for at det er usikkert når spelemidlane faktisk vil verte utbetalt då det normalt er 2-3 år ventetid.

Driftsplan og driftsbudsjett

Volda TI Fotball eig kunstgrasbanene på Volda Stadion, har fullt ut ansvar for drifta og dekkjer også alle driftskostnadene med banane. Kostnadane med normalt vedlikehald av banane er difor allereie inkludert i klubbens vanlege budsjett, og det er ikkje naudsynt med noko vesentleg ekstra kostnadar til drift eller vedlikehald av B-bana når nytt kunstgras er lagt. Fornying av kunstgraset vil difor heller ikkje påverke klubbens driftsplan eller budsjett.

Ein førebels nedbetalingsplan for lånet er satt opp nedanfor basert på ei lånerente på 5% p.a., men ein har eit von om at det kan vere mogleg å få innvilga ei lånerente endå noko lågare enn dette og på nivå med dei lån vi har frå før i Sparebanken Møre.

Klubben har ein sunn økonomi og system for jamn oppfølging av både økonomi og organisasjon. Likviditeten er god, og det er budsjettet med eit rekneskapsoverskot for 2016 på omlag 146,000 kr inkludert betjening av dagens låneomfang. Ein har og begynt å få refundert spelemidlar for Mørehallen som gjer at samla gjeld vert redusert sjølv ved utskifting av kunstgraset på B-bana.

Det er sett opp eit døme på nedbetalingsplan som vil vere handterbar for Volda TI Fotball, sjølv med ei rente på 5%. Ein vil difor ha ei realistisk evne til å kunne bere kostnadane med denne utvidinga, då ein ventar ein fortsatt roleg vekst i Volda TI Fotball vidare på fleire områder som vil kunne vere med å bere desse kostnadane.

Skisse til nedbetalingsplan:

Tall i tusen kr.	2017	2018	2019	2020	2021	
<u>2022</u>						
Restlån	2 150	1 681	1 681	902	824	746
Renter, 5%pa	108	84	84			
Annuitet (renter og avdrag)				115	115	115
Sum betjening lån	108	84	84	115	115	115
Månedlig kost	9	7	7	10	10	10

Reknar med MVA refusjon med 469,000 kr blir utbetalt i 2017. Reknar med spelemidlar med 960.000 kr blir utbetalt desember 2019. Reknar med annuitetslån med 5% rente over 10 år frå og med 2020."

Det er også lagt fram oversyn over laget sin økonomi i perioden 2011 til 2016. Dette syner ei drift i balanse og der laget sine plikter er innfridde.

Vidare heiter det i søknaden:

"Volda TI Fotball har eit budsjett for 2016 som syner inntekter på 7.83 mill.kr og eit overskot på NOI< 146.000. Per 31.juli 2016 var ein på plan i forhold til dette budsjettet, og vi har ikkje grunn til å rekne med vesentlege avvik frå årets budsjett. Men vi fyl økonomien noye, og sjølv om ein skulle formelt sett bli i stand til å sette i gong dette prosjektet så vil det ikkje verte sett i gong om klubbens økonomiske situasjon endrar seg undervegs i prosessen og er sterk nok til å bere prosjektet på det tidspunkteiner klar.

Foreldre og barn i Volda har teke svært godt i mot Volda TI Fotballs tilbad om Fotballfritidsordning. Første året var det ca 70 deltakande barn, andre året auka talet til ca 150, og hausten 2015 auka talet på barn vidare til 215. Tal barn fall noko våren 2016, men vi

ser no ei ny vesentleg auke for hausten 2016 til nær 240 born. Vi ser og ei auka inntekt per born som bidreg godt til klubbens økonomi også noko ut over årets budsjett. Vi håpar de vil sjå positivt på denne søknaden om 1) kommunal lånegaranti på 2.2 mill.kr og 2) økonomisk støtte med 200 000 kr til ei utskifting av kunstgraset på B-bana på Volda Stadion, og med det vere med å understøtte vida re vekst og utvikling i Volda Tl Fotball sine aktiviteter for born og unge i Volda".

Så seint som i mars 2016 vart spørsmål om kommunal garanti for eksisterande lån til VTI-Fotball handsama av kommunen.

I sak 32/16, den 31.03.2016 vart det såleis gjort fylgjande vedtak:

1. **Under føresetnad av tilfredstillande lånetilsegn, og med atterhald om Fylkesmannen si godkjenning, vil Volda kommune gje kommunal garanti til VTI Fotball for lån pålydande kr. 10 000 000,- på dei vilkår som går fram av lånetilbod vedlagt garantisøknaden.**
Garantien vert gitt på slike vilkår:
 - A. **Garantien er ein simpel kausjon.**
 - B. **Garantien skal avkortast i takt skissert nedbetalingsplan for lånet, maksimalt 30 år.**
 - C. **Garantien erstattar noverande garanti på 13 mill kr, vedtatt av Kommunestyret i PS 113/13.**

2. **Under føresetnad av tilfredstillande lånetilsegn, og med atterhald om Fylkesmannen si godkjenning, vil Volda kommune gje kommunal garanti til VTI Fotball for lån pålydande kr. 1.665.000,- på dei vilkår som framgår av lånetilbod vedlagt garantisøknaden.**
Garantien vert gitt på slike vilkår:
 - D. **Garantien er ein simpel kausjon.**
 - E. **Garantien skal avkortast i takt skissert nedbetalingsplan for lånet, maksimalt 10 år.**
 - F. **Garantien erstattar noverande garanti på kr 2.830.000, vedtatt av Kommunestyret 19. desember 2006.**

I samband med kommunerekneskap 2015 er det gitt oversyn over gjeldande kommunale garantiar. For VTI-Allianse og VTI-Fotball syner dette fylgjande:

Lag og foreiningar (kst-sak)	Garantibeløp pr. 31.12.15	Opprinneleg garantibeløp	Garantien utgår
V.T.I. Allianse - garanti tilb. klubbhus	3.300.000		31.12.2040
V.T.I. fotball(0114/06)	1 665000	2830. 000	31.03.2026
VTI Fotball – fotballhall (113/13)	10.000.000	15. 000 000	31.03.2046
VTI- Fotball -Omsøkt garanti		2.200.000	31.12.2026
VTI-Allianse - omsøkt garanti		2.041.000	31.12.2021

Ved tilskot frå spelemidlane på kr. 936.000 og refusjon mva kr 469.000 vil lånebehov og garantibehov for VTI Fotball bli redusert til kr.618.000 etter ca 3-4 år.

For VTI-Allianse vil lån og garantibehov langt på veg kunne vere nedbetalt/innfridd gjennom tilskot frå spelemidlar og mva-refusjon i løpet av 3 til 4 år. (kr 1.200.000 pluss kr. 754.000).

Både VTI-Allianse og VTI-Fotball har hatt god økonomistyring og har fylgt nedbetalingsplanar for tidlegare lån med kommunale garantiar. Opplegg for nedbetaling av nye lån synest realistisk og forsvarleg.

Tilhøve til Kommuneplanen sin samfunnsdel:

Det aktuelle tiltaket vil vere positivt sett i høve til dei mål og strategiar som er nedfelt i kommuneplanen for Volda, ved m.a:

- *auka tilgangen til attraktive idrett og fritidstilbod som stimulerer til auka fysisk aktivitet, og tilgang til natur- og friluftsliv i kvardagen*
- *kan styrke samarbeidet, stimulere og legge til rette for auka innsats frå frivillige lag i arbeidet med kultur og fritidsaktivitetar for alle.*
- *Ivareta og styrke eldsjelene og stimulere fleire til deltaking i frivillig arbeid.*
- *Prioritere førebyggjande tiltak og tidleg innsats overfor barn og unge.*
- *kunne tilby sunne og inkluderande oppvekst- og bumiljø.*
- *kunne bidra til å heve standarden på leike- og aktivitetsområda i kommunen*
- *Legge til rette for meir fysisk aktivitet og styrke og utvide rusfrie møteplassar for ungdom.*
- *Stimulere lag og organisasjonar til å legge til rette for inkludering.*
- *gjennom å utvikle nye arenaer for kultur og idrettsliv, og synleggjere tilboda lokalt og regionalt kan det også bidra til å styrke Volda sitt omdøme som attraktiv bukommune i regionen.*

Helse og miljøkonsekvensar:

Tiltaket er i samsvar med KDP for fysisk aktivitet og anlegg for idrett og friluftsliv og vil vere eit viktig bidrag til ytterlegare styrking av den store aktiviteten i dette viktige idrettsområdet i Volda sentrum.

Beredskapsmessige konsekvensar:

Ingen særlege for tiltaket. Avklara gjennom reguleringsplan for området.

Vurdering og konklusjon:

Volda stadion med ulike anlegg er eit av dei viktigaste idretts og aktivitetsområda i kommunen.

Ei rehabilitering og ombygging er naudsynt for at denne fotballbana skal vere funksjonell og tenleg i høve til den store og auka aktivitet som VTI-Fotball har i området.

I fylgje gjeldande kommunedelplan *For fysisk aktivitet og anlegg for idrett og friluftsliv* skal kommunal garanti tilknytt finansiering av spelemiddeltiltak vere eit viktig og prioritert verkemiddel. Jf. Kap. 4.0 verkemidlar, og kap. 5.1-prioritering av tiltak, der det heiter:

”Kommunale garantiordning for lån er eit av dei viktigaste bidrag frå kommunen si side for å fremje laga sine utbyggingsprosjekt og må vidareførast som viktige verkemiddel i høve til anleggsutbygging i lags-regi.”

”Kommunen vil innanfor økonomisk rammer i økonomiplan og budsjett etter nærare vurdering stille naudsynte kommunale garantiar for eigenkapitallån og lån til forskottering av spelemidlar for prioriterte anlegg i plan.”

Med grunnlag i kommunedelplan og opplysningar i søknad finn ein å kunne tilrå kommunal garanti slik søkt om.

Dette er eit type tiltak det kan stillast garanti for, jfr. komm.lova §51. Etter kommunelova § 51 nr. 3 krev slik garanti godkjenning av Fylkesmannen. (over 500.000).

Når det gjeld søknad om tilskot er dette ikkje spesielt grunngeve i søknaden. Men eit slikt tilskot ville sjølvstøtt vere positivt for å redusere behovet for eigenkapital/lån i prosjektet. Kommunen har ikkje sett av midlar til slike formål i budsjett for 2016 eller i framlegg til budsjett for 2017.

Med grunnlag i dette finn ein ikkje å kunne tilrå at slikt tilskot vert gitt.

.....

Rune Sjugard
rådmann

Utskrift av endeleg vedtak:

Fylkesmannen i Møre og Romsdal for godkjenning av garantivedtak

Kopi til:
VTI-Allianse
VTI-Fotball
Idrettsrådet
Økonomisjef Henrik Skovly
Økonomikons. Marija Ostojic
Rekneskapssjef Gunnar L. Lillebø
Utvikling